

《金剛經》 第二講 佛法的智慧

胡健財/113.3.3

- | |
|--|
| 5. 須菩提！於意云何？可以身相見如來不？……若見諸相非相，則見如來。 |
| 6. 頗有眾生，得聞如是言說章句，生實信不？……莫作是說。……有持戒修福者，於此章句，能生信心，以此為實。 |
| 7. 無有定法名阿耨多羅三藐三菩提，亦無有定法如來可說。何以故？如來所說法，皆不可取、不可說；非法、非非法。 |
| 8. 一切諸佛及諸佛阿耨多羅三藐三菩提法，皆從此經出。 |

◆ 問題討論：

1. 何謂「般若」！「般若」何處求？
2. 持戒何以是修福的行為？您對「持戒」的認識為何？
3. 「真理」無得無說，您的體會為何？
4. 「真理」既然無得無說，福德與成佛智慧皆可從本經得到，這應該如何理解？

◆ 經文：

如理實見分第 5	「須菩提！ 於意云何？可以身相見如來不？」 「不也，世尊！不可以身相得見如來。 何以故？ 如來所說身相，即非身相。」 佛告須菩提： 「凡所有相，皆是虛妄。 若見諸相非相，即見如來。」
正信希有分第 6	須菩提白佛言： 「世尊！ 頗有眾生，得聞如是言說章句，生實信不？」 佛告須菩提： 「莫作是說。如來滅後後五百歲， 有持戒修福者，於此章句能生信心，以此為實。 當知是人，不於一佛、二佛、三、四、五佛而種善根， 已於無量千萬佛所種諸善根。 聞是章句，乃至一念生淨信者， 須菩提！ 如來悉知悉見， 是諸眾生得如是無量福德。 何以故？ 是諸眾生，

	無復我相、人相、眾生相、壽者相。 無法相，亦無非相。 何以故？ 是諸眾生， 若心取相，則為著我、人、眾生、壽者。 若取法相，即著我、人、眾生、壽者。 何以故？ 若取非法相，即著我、人、眾生、壽者。 是故不應取法，不應取非法。 以是義故，如來常說： 『汝等比丘， 知我說法，如筏喻者； 法尚應捨，何況非法！』」
無得無說分第 7	「須菩提！ 於意云何？如來得阿耨多羅三藐三菩提耶？ 如來有所說法耶？」 須菩提言： 「如我解佛所說義， 無有定法名阿耨多羅三藐三菩提， 亦無有定法如來可說。 何以故？ 如來所說法，皆不可取、不可說； 非法、非非法。 所以者何？ 一切賢聖，皆以無為法而有差別。」
依法出生分第 8	「須菩提！ 於意云何？ 若人滿三千大千世界七寶，以用布施， 是人所得福德，寧為多不？」 須菩提言： 「甚多，世尊！ 何以故？ 是福德即非福德性，是故如來說福德多。」 「若復有人於此經中，受持乃至四句偈等，為他人說， 其福勝彼。 何以故？ 須菩提！ 一切諸佛，及諸佛阿耨多羅三藐三菩提法，皆從此經出。 須菩提！ 所謂佛法者，即非佛法。」